

諸之駕地擁祥符教詩禮於九圍集絃歌於八極飛魚躍彰盛世之泰和歌舞風儀逞昌時之允洽凡厥化化悉賴生生臣無任懇祈之至謹稽首再拜酒行終獻

終獻

具位臣某謹重誠上啓

三清上聖十極高真玄虛之主宰仙僚洞府之神靈主執三界內外一切聖衆臣聞應天之敬懇禱既交於隱顯教陳嘉頓於始終純嘏有嚴蕃釐无教以今瓊鐘息響璧曆收聲千枝殘燄於銀缸百和散芳於瑤鼎河澄月淡斗轉參橫絲霧後先諒龍攀之願動紫煙上下宜風華之徘徊萬聖迴班請天復位臣等身辭聖陸足履塵關徒窺法從之華莫企靈光之耀臣無任攀戀之至謹稽首再拜奉送高真

復爐

迴辨頌

向來

靈寶頌教濟度金書卷之二百十

靈寶頌教濟度金書卷之二百十一

洞微高士開光般若真人畢金真授

靈寶通玄弘教水南先生林豐真編

科儀立成品

早朝行道儀

啓堂頌

各禮師存念如法

宣衛靈呪

晨精朗耀紫煙御空星壇煥映變化雲宮

日蒐月蒐離坎異中金真肅命神虎辟邪

吉日行事八威鼓從五華敷羅徘徊飛虹

天光下盼道炁豐隆含靈普濟流慶無窮

鳴法鼓二十四通

發爐

无上三天九皇玉帝當召九皇靈官飛龍騎

吏綉衣使者三炁正神急上關啓女壇土地

方域神真今早朝隆壇行道謹奉爲入京

其諸丹悃已錄奏聞願得

元皇正炁來合身今所啓速達徑御

至真无極大道

中天二大尊帝

九皇五宸道君

請稱法位

具位奉行玄靈璇璣始齋法事小兆某與臨壇官衆等謹同誠上啓

斗極祖師洞真大道元始天尊斗極宗師洞

玄大道太上道君斗極真師洞神大道太上

老君五皇大天尊玄穹高上帝斗中之尊天

皇大帝斗中之主紫微大帝北斗高上五皇

尊帝君太微玉帝玄卿大帝君北斗太尉陽

明貪狼五晨君北斗上宰陰精巨門五晨君

北斗司空真人祿存五晨君北斗遊擊玄冥

文曲五晨君北斗君丹元廉貞五晨君北

斗太常北極武曲玉晨君北斗上帝天關破

軍五晨君北斗玉帝洞明外輔玉晨君北斗

帝真隱元內弼五晨君斗中天罡萬真節度

奎光帝君北斗九皇夫人九陰內妃三台華

蓋星君三官五帝九府四司斗中道德諸君

无鞅聖君六十甲子本命星君玄中大法師

三天大法師實上真人二仙使者九宮官屬

一切真靈臣開清微御運敷紫炁於紫微太極開圖煥靈光於北極華蓋映五垣之邃句陳羅金闕之崇提挈玄黃運帝車而齊七政統制經緯握天罡而建五行飛龍落於龜圖耀奎光於鳳簡巍巍功德赫赫神靈臣等夙種善根生逢道化飛登而復覓鬼未契虛无流吹而瀾精神徒紛濁滓過易盈於鈞石功泉積於刀圭曲荷洪慈俾陶玄職承天領教誓宏濟下之仁勵已學真敢叛由中之願凡有投告所益上聞

宣詞

按如詞言備殫誠悃臣聞地湧玉局延萬劫混沌之尊天錫金章啓六合高明之聖緣軫慈視於大赤故傾慈聽於虛玄經訣心傳建法橋而達榮界道機面授出迷徑而升妙門惟昭昭故向之誠祈赫赫主持之澤今齋主某歸真知命隨力建功念汨汨塵籠易縱罪根而累性致恢恢憲網難期善果以臻身仰中樞喉舌之司實石駮股肱之任延生注福靈由網紀之公懺罪消災悉賴權衡之正爰

遵丹笈肅建玄壇徽三色之靈芒降九天之妙景仰瞻閭闔凝珠座以雲開前敞洞淵羅玉樓而日近羽葆翩翩於黃道旌霓曉露於青冥靜監心香動符意燭扶桑耀彩開烏輪初浴之輝鸞木流華輅鶴駕來游之慶合天人而欣幸溥家國以咸休以今清旦行道請法眾等連茲初捨上香

願此香煙騰空供養至真無上道寶天尊臣等皈身皈神皈命五體投地願以是功德上祝

皇帝陛下伏願道契圓清德符方粹日重輪月重暈庶微咸休車同軌書同文諸福畢至彤館著微柔之德音宮彰仁泰之風麟趾說表群工之贊治虎頭翼翼端列木以承流今故燒香自皈依

師尊大聖眾至真之德得道之後保天長存和與道合真以今清且行道請法眾等連茲工捨上香願此香煙騰空供養無上至真經寶天尊臣等皈身皈神皈命百

體投地願以是功德皈流齋主某伏願福德日新罪花風散天錫純嘏合正炁於七元雷翼期願沐靈光於十極金鼎胤虛無之寶玉田融玄妙之珠湛露飛霄潤家庭而咸若晴雲疑曉覆春序以常寧今故燒香自皈依

師尊大聖眾至真之德得道之後永保安寧和與道合真以今清且行道請法眾等連茲三捨上香願此香煙騰空供養無上至真師寶天尊臣等皈身皈神皈命首

體投地願以是功德皈流晉天率土四海九圍萬姓三軍百昌庶品並願堯雲丕冒舜日輝華雨足桑麻樂犁鋤於特隴春閑掄柳息刁斗於狼烽家庭多絃誦之聲閭里紹箕裘之業政敷塞外遂生生而慕衣冠仁滿寰中離化化而脫羅畢今故燒香自皈依

師尊大聖眾至真之德得道之後昇人無形和與道合真禮方懺方

臣等今故燒香飯身皈神皈命

中夫大聖北斗九晨皇上道君九皇夫人內  
妃至真大聖真人玉女斗中神仙諸靈官眾  
懺悔弟子未涉世以來稟生之後輕慢四大  
穢賤三光多縱罪根多諸巧詐多恣淫殺多

愛貪嗔上逆天文下逆地理陽干人紀陰忤  
神靈忠孝有虧行義不守莫修齋戒乃犯科  
條日積月深曾無覺悟因今燒香行道咸乞  
蕩除錮消災厄和合年齡眷屬安寧門庭快  
樂魔精伏匿真聖護持運限享嘉命身康泰  
疾病遠離福德昭彰得道之後身入無形

三啓頌

樂法以為妻 愛經如珠玉 持戒制六情  
念道道所欲 澹泊正氣停 蕭然神靜默  
天魔並敬護 世世受大福

又

鬱鬱家國威 濟濟經道興 天人同其願  
縹緲入大乘 因心立福田 靡靡法輪界  
七祖生天堂 我身白日騰

又

大道洞玄虛 有念無不契 鍊質入仙真  
遂成金剛體 超度三界難 地獄五苦解  
悉歸太上經 靜念稽首禮

三禮

臣等志心稽首禮

太上無極大道

臣等志心稽首禮

三十六部尊經

臣等志心稽首禮

玄中大法師

重稱職位

具位奉行玄靈瓊瑤妙齋法事小兆 臣等與  
臨壇官眾等謹重誠上啓

斗極祖師洞真大道元始天尊斗極宗師洞  
玄大道太上道君斗極真師洞神大道太上

老君玉皇大天尊玄穹高上帝斗中之尊天  
皇大帝斗中之主紫微大帝北斗高上玉皇

尊帝君太微玉帝玄卿大帝君中天大聖北  
斗九晨上道君九皇夫人九陰內妃斗極玄  
曹一切真宰 臣聞聖佐乾坤玉池發瓊運之

瑞靈章經緯金闕列琪樹之祥自龍劫以流  
光故寫函而煥景枕參鵬角定冬夏四七之  
期運斗建杓參晝夜十二之度御仙聖真靈  
而並隸裁鬼神人物以總監為幅圓之津梁  
實版輿之柱石今齋主恭劫終劫始身後身  
前不思神御炁炁留形密凝兩半惟以情溺  
心心蔽性潛滓一元迷靈錄慧月之輝定水  
鼓葉風之浪三彭內訶過直奏於天曹五賊  
外攘愆屢書於地府易招厄難曷保康寧受  
殞覺性之忱式露虔恭之禱冥心北望稽首

中馳誓酌水以敬花庸燒香而行道伏願元  
皇委照玉宸流光初五帝四司紀善功於青  
簡啓三官九府刊惡障於玄編束華呈不老  
之符南極進長生之籍襟期快樂挺梧竹之  
英姿步武高華籠芝蘭之逸韻生護養而二

台錫慶希夷微而眾妙流華融道日於門闌  
耀德星於眷屬奉奉闕扣切切階升冀垂推  
護之仁下慰翹傾之悃上願金書流演玉宇  
昭明川后呈祥山靈薦瑞五穀熟而民人育  
地擁醴泉三光全而寒暑平天垂甘露朝有

地擁醴泉三光全而寒暑平天垂甘露朝有

鳳凰之喜里無狐鼠之憂動植生全幽明昭泰則上明

天專大慈之化下副臣等皈命之誠謹啓以聞

發願

一念為道四大令得齋主七世父母免脫憂苦上昇天堂衣食自然

二念帝王國主道化興隆庠序濟濟皇教恢弘威儀翼翼普天所瞻民稱太平六夷賓伏妖惡自滅賢聖日生

三念法師功德大建教化明達俱獲飛仙

四念同志學人早得仙道更相開度

五念九親和睦好向仁義貴道賤財行為物範

六念損已布施道士及饑寒者天下人民各得其所

七念蠕動踐行一切含生成蒙成就

八念救貧前生今世罪對立功補過

九念家門隆盛宗廟有人世生賢才

十念尊受師經不敢中怠平等一心廣度一

切勉獲上仙白日登天拜見太上水成真入雲車羽駕和與道合真

存神燒香

香官使者左右龍虎君侍香諸靈官當令臣清旦陞壇行道之所自然生金液丹碧芝英

百靈眾真交會在此香火爐前令臣學道得道求仙得仙齋官蒙福顯沾恩十方仙童

玉女接待蘭煙傳臣向來所啓之誠速達徑御

至真無極大道

中天二大尊帝

九皇玉宸道君拜前

出堂頌

引至

謝師幕

靈寶領教濟度金書卷二百十一

靈寶領教濟度金書卷之二百十二

洞微高士開光教苦真人審金具校

靈寶通玄私教水南先生林靈真編

科儀立成品瓊瑤齋用

千朝行道儀

啓堂頌

各禮師存念如法

宣衛靈呪

丹靈朱火炎霞激風赤輪剛運天光八衝

迸威包羅交變萬方流金豁落羣魔滅蹤

辟姦破妖明耀元功金符召制躡雲乘龍

謠歌慶會散花太空神化冥運四極安隆

伏御帝前罔有不恭

鳴法鼓二十四通

發爐

無上三天九皇玉帝當召九皇靈官飛龍騎

吏綉衣使者三炁正神急上關啓玄壇土地

方域神真且今午朝陞壇行道謹奉為入意

其諸丹悃已錄奏聞願得

元皇正炁來合且身令且所啓速達徑御